

Mposa Buku na Nzambe - Lust Scriptures

Kobima 15:9 Banguna na biso balobaki: "Tokolanda bango, tokokanga bango. Tokobotola biloko na bango; tokokamata nyoso oyo tolingi. Tokobimisa mipanga na biso; tokozwa mosolo na bango."

Kobima 18:21 Kasi mpo na makambo oyo etikali, pona na kati ya motinda mobimba batu ya lokumu, baoyo batosaka Nzambe, baoyo batu bakoki kotia mitema epai ya bango mpe babebisaka te; tia bango bashef ya batu nkoto moko, kama moko, ntuku mitano, mpe ya batu zomi.

Kobima 20:14,17 "Osala pite te. 17 "Olula ndako ya motu mosusu te: ezala mwasi na ye, mosali na ye ya mobali to ya mwasi, ezala ngombe, punda na ye to eloko mosusu na ye."

Kotanga 11:4 Mokolo mosusu Baisraele balelaki lesusu. Ezalaki mpo batu ya mitinda mosusu oyo balandaki bango ntango balongwaki na Ezipeto, bazalaki na mposa ya kolia nyama. Bongo Baisraele babandaki koloba: "Nani akopesa biso nyama ya kolia?

KozongelaMibeko 5:21 "Olula eloko ya motu te: ezala mwasi na ye, ezala ndako to elanga na ye, ezala mosali na ye ya mobali to ya mwasi, ezala ngombe na ye to punda na ye."

KozongelaMibeko 12:20 Ntango Nkolo Nzambe na bino akokumisa mboka na bino monene ndenge alakaki bino, soki boyoki mposa ya nyama, bolia ndenge bolingi.

KozongelaMibeko 22:22 Soki bakangi mobali moko azali kolala na mwasi ya libala, basengeli koboma bango mibale, mwasi mpe mobali. Boye bokolongola mabe ya ndenge wana na kati ya Israele.

Yosua 7:21 Na kati ya biloko oyo babitolaki, ngai namonaki koti moko ya kitoko oyo euti na mboka Mezopotamia, na bibende ya arja kama mibale, mpe liboke moko ya or bojito yango basikele ntuku mitano. Lokoso esalaki ngai mpe nakamataki yango. Bokende kotala: nakundaki yango na nse ya mabele na kati ya wema na ngai, arja ezali na nse na yango."

Njembo 10:3 Motu ya mabe azali komikumisa mpo alongi; azali kofinga Nkolo mpe koseka ye.

Njembo 78:18,30 Bameki Nzambe na mitema na bango, mpe basengaki ye apesa bango bilei oyo balingi. 30 Kasi bapemi ata moke te, bilei mosusu ezalaki naino na monoko,

Njembo 81:13 Bongo natikaki bango na mutu makasi na bango, basala makambo oyo balingi.

Njembo 106:14 Na esobe babandi komeka Nzambe; bakumi kolanda bamposa ya mitema na bango.

Njembo 119:36 Sala ete natia motema epai na mitindo na yo, kasi epai na mosolo te.

Maloba Mayele 1:19 Wana ezali ndenge bamoyibi bakufaka. Mpamba te

motu ya moyibi akufaka kaka na moyibi na ye.

Maloba Mayele 6:25 Kolula kitoko na ye te, mpe komitika te ete miso na ye ebenda yo.

Maloba Mayele 15:27 Motu ya lokoso ya mbongo amemelaka libota na ye mpasi, kasi motu oyo aboyaka kozwa kanyaka aumelaka na bomoi.

Maloba Mayele 21:25,26 Bamposa ya motu ya goigoi ememelaka ye liwa, mpamba te aboyaka kosala mosala. 26 Basusu bazali kolekisa ntango na kosala lokoso; kasi motu ya bosembo apesaka nyoso oyo azali na yango.

Maloba Mayele 28:16 Mokonzi oyo azangi mayele, asalaka makambo ya mabe mingi; kasi oyo aboyaka kozwa mosolo na nzela ya mabe, aumelaka molai na bokonzi.

Isaya 56:11 Bazali mpe bambwa oyo balingaka kolia mingi, mpe batondaka te. Bazali babateli ya mpate oyo bayebaka makambo te! Bazali na mayele te ya koyeba makambo ya malamu mpe ya mabe, balandaka bobele bamposa na bango; motu na motu alukaka kaka bolamu na ye moko.

Isaya 57:17 Mpo na mabe ya lokoso na ye, nayokaki nkanda mpe nabetaki ye; kati na nkanda na ngai nabombaki elongi mpe motomboki alandaki nzela na ye.

Yeremia 6:13 Mpamba te kobanda na bana mike kino na bankolo, bango nyoso bazali koluka bobele bolamu na bango moko. Banebi mpe banganga-Nzambe, bango nyoso bakumi batu ya lokuta.

Yeremia 22:17 Kasi miso na yo mpe motema na yo ezali bobele mpo na mposa na yo moko; mosala na yo kaka koboma batu oyo basali likambo te, mpe kosala mobulu.

Yeremia 51:13 Babelona, yo oyo ofandaka na pemberi ya ebale, yo oyo ozali na mosolo mingi, nsuka na yo ekumi, lokoso na yo esili.

Ezekiele 6:9 Batu na bino oyo bakobika, bakokanisa ngai kati na bikolo esika bakozala na boumbu, mpamba te nakokaki kobuka motema na bango ya pite mpe ya kozanga botosi, mpe miso na bango oyo ezali kosala kindumba nsima na bikeko na bango; bango moko bakolemba mpo na mabe oyo bango basalaki, mpo na makambo ya bango nyoso ya mbindo.

Ezekiele 14:4,5 Yango wana, yebisa na bango mpe loba na bango boye: Nkolo Nzambe alobi boye: Motu nyoso na libota ya Israele, oyo motema na ye etondi na bikeko na ye mpe atiaka miso na eloko oyo ekweisaki ye na kati ya mabe na ye; soki ayei kotuna nebi likambo ngai Nkolo nakopesa ye eyano na ntina na ebele ya bikeko na ye oyo ye azali kokumisa, 5 mpo na kosimba libota ya Israele na motema na bango mpenza, bango oyo batikaki ngai na bikeko na bango nyoso.

Ezekiele 22:12 Na mboka na yo bazali kondima kozwa lifuti mpo na kotangisa makila, ozali kodefisa mbongo mpo na kosenga litomba mpe

**kozwa mosusu likolo na yango; ozali kobotola biloko ya moninga na yo.
Bongo ozali kobosana ngai; Nkolo Nzambe alobi boye.**

**Ezekiele 33:31 Bongo batu ya ekolo na ngai bazali koyangana ebele mpe
kofanda liboso na yo. Bazali koyoka maloba na yo, kasi bazali kosalela
makambo ozali koloba na bango te; mpamba te na monoko na bango
bazali koloba makambo ya malamu, kasi motema na bango ezali kolanda
bobele mposa na bango.**

**Osea 4:12 Bakumi kotuna makambo epai na ekeko ya nzete; eteni ya nzete
nde ezali koyebisa bango makambo.**

**Osea 5:4 Mabe oyo batu ya Israele basali, ezali kopekisa bango bazongela
Nzambe na bango. Mpamba te mposa ya kindumba ekoteli bango,
babosani Nkolo.**

**Mika 2:2 Soki baluli bilanga, bakamataka yango; soki baluli bandako,
babotolaka yango; banyokolaka batu mpe bayibaka mosolo na bango.**

**Nauma 3:4 Ninive ekosuka ndenge wana mpo ekumaki lokola mwasi ya
ndumba, oyo abendaka batu na kitoko na ye mpe na kindoki na ye.
Kindoki mpe kitoko ya Ninive ezalaki kokumisa batu ya bikolo nyoso
baumbu.**

**Abakuka 2:9 "Mawa na bino! Bozali kotondisa mboka na bino na mosolo na
moyibi, bokanisi ete botongi mboka na bino na likolo na bangomba, mpo
ete bampasi ekoka kozwa bino te.**

**Matayo 5:28 Kasi ngai nalobi na bino: motu na motu oyo akotala mwasi na
koyoka mposa mpo na ye, motu yango asili kosala pite elongo na mwasi
yango na motema na ye.**

**Mako 4:19 kasi makanisi na bomoi na mokili oyo, bisengo na kokosa na
mosolo mpe mposa ndenge na ndenge ekoti na motema na bango,
ewambisi liloba yango, boye bakobota mbuma soki moke te.**

**Mako 7:22 Makanisi na kosala pite, na kosala lokoso na biloko na baninga,
na motema mabe, na kozala motu na mobulu, na kokosa, na nkanda, na
koloba maloba mabe na nzoto na moninga, na lolendo, mpe zoba,**

**Luka 3:14 Basoda mpe batunaki ye: "Na biso, esengeli tosala nini?" Ye
alobaki na bango: "Bobotola mbongo na motu moko te na makasi, to
kosungola motu na lokuta moko te. Kasi bozwa lifuti na bino na motema
malamu."**

**Luka 12:15 Nsima yango Yesu alobaki na batu nyoso: "Bokeba mpe
bokengela bino mpenza mpo na lokoso na mosolo, mpo ete bomoi ya solo
ekumi epai na motu te mpo na mosolo na ye, ata soki ye azali na mosolo
mingi."**

**Luka 16:14 Bafarusi bazalaki koyoka maloba oyo nyoso mpe bazalaki
koseka Yesu, mpo bazalaki batu na kolingga mosolo mingi.**

**Yoane 8:44 Bozali bana na Satana, mpe bolingi kosala bolingo na tata na
bino. Ye azalaki mobomi uta na ebandeli. Ye asili kotelema kati na**

likambo ya solo moko te, mpo likambo ya solo ezali na motema na ye moko te. Ntango ye azali koloba lokuta, ye azali koloba na ndenge na ye mpenza, mpo ye azali motu na lokuta mpe tata na lokuta.

Misala Bantoma 20:33 Nazalaki na mposa te na mbongo, to na or to bilamba na motu moko na bino.

Baroma 1:24-29 Mpo na oyo Nzambe atikaki bango na kosala misala ya mbindo lokola mitema na bango elingaki, ete batambwisa nzoto na bango mpenza na nzela na misala na nsoni moko epai na mosusu. 25 Bazali kobalisa makambo solo na Nzambe mpo na makambo na lokuta. Bazali kosambela mpe kosalela biloko Nzambe ajalisaki, kotika Mojalisimpenza, oyo akokani na kosanjola mpo na seko! Amen. 26 Mpo na oyo Nzambe atikaki bango na kosala misala na nsoni. Basi mpenza na bango bazali kotika kosala makambo basi basalaka na nzoto na bango, mpo na kosala makambo oyo ekokani te na basi kosala. 27 Bobele boye, babali bazali kotika kosala lokola mobali asalaka epai na mwasi, basili kotonda na mposa na nzoto moko epai na mosusu. Babali bazali kosala makambo na nsoni, motu na motu kosala elongo na moninga na ye. Mpo na oyo bango mpenza bazali kozwa etumbu oyo ekokani na mabe na bango. 28 Lokola baboyi koyeba Nzambe, ye asili kotika bango kati na makanisi na bozoba mpo na kosala makambo oyo ekoki te basala. 29 Batondi na makambo oyo ezali sembo te, na makambo mabe, lokoso, motema mabe, na zuwa, koboma batu, na koswana, na yawili, na koyina. Bazali kosala makelele mingi,

Baroma 6:12 Masumu ekoki kokonza lisusu nzoto na biso te mpo na kosukuma biso na kotosa mibeko na mposa na nzoto yango.

Baroma 7:7 Boye tokoloba nini? Mobeko ezali lisumu? Soki moke te! Kasi mobeko eyebisaki ngai ete lisumu ezali nini. Mpo nakokaki koyeba te lokoso ezali lisumu soki mobeko elobaki te; "Osali lokoso te."

Baroma 13:9,14 Mpo ete mibeko oyo "Sala pite te, boma motu te, yiba eloko na motu te, sala lokoso te," mibeko oyo elongo na mibeko nyoso mosusu ezali kotelema kati na mobeko oyo: "Linga moninga na yo lokola yo mpenza." 14 Kasi bolata bomoi ya sika oyo ezali kati na Yesu Kristo Mokonzi, mpe botika makambo na nzoto kobenda bino te mpo na kosepelisa mposa na nzoto.

1 Bakorinto 5:10,11 Kasi nalobaki oyo te na ntina na bapakano oyo bazali batu na pite to na lokoso, to batu na moyibi, to batu na kosambela bikeko. Mpo na kokima bango nyoso, ekoki bobima na mokili. 11 Nalingaki kopekisa bino na kosangana na motu na koloba ye azali mokristo, nzokane ye azali motu na pite, to motu na lokoso, to motu na kosambela bikeko, to motu na kofinga batu to molangwi na masanga, to moyibi. Bokoki ata kolia bilei esikamoko na motu ndenge oyo te.

1 Bakorinto 6:9,10 Boyebi na solo batu mabe bakozwa Bokonzi na Nzambe

te. Bomikosa te, batu na ekobo, to batu na kosambela bikeko, batu na pite, babali na kosala pite elongo na babali mosusu, 10 batu na moyibi, batu na lokoso, batu na kolangwa na masanga, batu na kofinga batu, batu na kobotola mosolo na batu mosusu na moyibi, batu yango bakozwa Bokonzi na Nzambe te.

- 1 Bakorinto 10:6 Makambo oyo ezali bitalisi mpo na biso, mpo ete tozala na mposa mabe te lokola bankoko na biso bazalaki na yango.**
- 1 Bakorinto 12:31 Boye botia motema likolo na makabo oyo na litomba mingi eleki. Kasi nalingi kotalisa bino sik'oyo nzela oyo eleki na malamu.**
- 1 Bakorinto 14:39 Boye bandeko, ekoki mposa na bino ezala mpo na kosakola lokola nebi, kasi bopekisa batu na kosolola na lokota godi te.**
- 2 Bakorinto 9:5 Na miso na ngai, ezalaki malamu kosenga bandeko oyo na koya epai na bino liboso na ngai, mpo na kotandisa likabo na bolingo oyo bolakaki. Boye ekozala tayari na ntango nakokuma, mpe oyo ekotalisa ete bozali kopesa na motema malamu, na kosukuma te.**

Bagalatia 5:16-20 Oyo ezali likambo oyo nalingi koloba na bino: botika Molimo Mosantu kokonza bomoi na bino, mpe botosa mposa na nzoto te. 17 Mpo ete nzoto na biso ezali na mposa godi na mposa na Molimo, mpe Molimo azali na mposa godi na mposa na nzoto, nzoto mpe Molimo bazali banguna na solo, boye bokoki te kosala likambo oyo bolingi. 18 Bongo soki Molimo azali kokamba bino, bozali baumbu na mibeko te. 19 Boyebi malamu ndenge nini mosala na nzoto ezali komonana kati na ekobo, bosoto mpe makambo na nsoni, 20 kosambela bikeko, na mayele na mazi, koyinana, koswana, mpe zuwa, nkele, kozuna esika monene na motema na mokonzi. Bazali kokabolana na biteni mpe na lisanga na kobundana,

Bagalatia 5:24 Batu na Yesu Kristo basili koboma nzoto na bango na krusi elongo na mposa mpe bolingo na yango.

Baefeso 2:1-3 Kalakala bozalaki bakufi kati na molimo, mpo na mabunga mabe na bino, mpo na masumu na bino. 2 Bongo bozalaki kondima kokokisa bino mpenza na bizaleli na mokili oyo. Bozalaki kotosa mokonzi na nguya na milimo kati na mopepe, molimo oyo azali kosala mosala sik'oyo na mitema na batu na kotosa Nzambe te. 3 Biso nyoso tozalaki kolanda mposa na batu, tozalaki kosala lokola mikano na biso elingi, tozalaki kosala makambo lokola nzoto na biso mpe molimo na biso elingi. Mpo na ezaleli mabe na biso, esengeli tozwa nkele na Nzambe lokola batu mosusu.

Baefeso 4:19 Bayokaka nsoni te. Basili kopesa nzoto na bango na kosala mosoto, mpe bazali kosala ndenge nyoso na masumu, likambo moko te kopekisa bango.

Baefeso 4:22-27 Bongo esengeli bobwaka motu na kala na bino oyo azalaki kotalisa ndenge nini bozalaki kotambola kalakala, mposa na kokosa na

motu na kala yango ezali kokamba ye na esika na kokufa. 23 Esengeli bobongwana nyoso kozala motu na sika kati na motema na bino mpe na molimo na bino. 24 Bolata motu na sika, oyo Nzambe asili kojalisana ndenge na ye mpenza, mpe azali komonana kati na bomoi sembo mpe santu oyo likambo ya solo ezali kobimisa. 25 Mpo na oyo, bobwaka lokuta! Esengeli motu na motu aloba makambo ya solo epai na moningana ye, mpo biso nyoso tozali biteni na nzoto moko. 26 Soki bosiliki, bokeba ete bokweya kati na masumu te, bosilika moi mobimba te. 27 Bopesa Satana esika te.

Baefeso 5:3 Bozali batu na Nzambe, mpo na oyo ekoki te likambo moko na pite, na mosoto to lokoso eyokana kati na bino.

Baefeso 5:5 Boyeba malamu, motu moko te oyo azali motu na pite, motu na mosoto to moimi (mpo moimi ezali ndenge na kobondela banzambe mpamba) akozwa bokonzi na Kristo mpe na Nzambe te.

Bakolosai 3:5 Bongo boboma na motema na bino makambo nyoso na mokili: pite, mosoto, mposa na nzoto, mposa mabe, lokoso na mosolo (mpo likambo na lokoso na mosolo ezali lokola kosambela banzambe mpamba).

1 Batesalonike 2:5 Boyebi yango malamu, tolobaki monoko na kokosa te. Tobombaki likambo moko te na nse na maloba na biso mpo na kozwa mbongo. Nzambe azali temwe na biso.

1 Batesalonike 4:3-7 Makambo Nzambe alingi ezali boye: ekoki bozala santu mpe bokengela bino mpenza na likambo na pite. 4 Ekoki bino nyoso boyeba kobala mwasi na ndenge na kozala santu mpe na lokumu, 5 kotika mposa mabe na kokonza bino te lokola bapakano oyo bayebi Nzambe te. 6 Kati na likambo oyo, ekoki motu moko te asala mabe epai na ndeko na ye to kobotola esika na ye. Tolobaki na bino likambo oyo, mpe tokebisaki bino: Mokonzi akopesa etumbu epai na batu na kosala mabe ndenge oyo. 7 Nzambe abengaki biso te na kokangana na pite, kasi na kozala santu.

1 Timoteo 3:3,8 motu na komela masanga te, motu na kobunda te, kasi motu pete, na nkele te, na mposa na mbongo te, 8 Esengeli mpe basungi bazala batu sembo, na minoko mibale te, batu na komela masanga mingi te, batu na lokoso na mbongo te.

1 Timoteo 6:9,10 Kasi batu nyoso oyo balingi kokuma batu na mosolo bazali kokweya kati na komekama, bazali kokangana na moteko na mposa mingi na bozoba mpe mabe oyo ebendi batu na kobebara mpe kokufa. 10 Mpo ete bolingo na mosolo ezali ebandeli na mabe na ndenge nyoso. Basusu bazalaki na mposa monene na kozwa yango boye balongwaki na nzela na kondima mpe babukaki mitema na bango na mpasi mingi.

2 Timoteo 2:22 Kima mposa na bilenge. Luka bosembo, kondima, bolingo, boboto elongo na batu oyo na motema petwa, oyo bazali kobenga

nkombo na Mokonzi.

- 2 Timoteo 3:2** Batu bakokanisa bango mpenza, bakolina mbongo, batu na kosanjola bango mpenza, batu na lolendo. Bakoboya makambo na Nzambe, bakotosa baboti na bango te, bakopesa mersi te, batu kotosa likambo na Nzambe te.
- 2 Timoteo 3:6** Basusu na bango bakotaka kati na bandako, mpe bakamataka lokola baumbu, basi petepete oyo batondi na masumu, mpe mposa ndenge nyoso ezali kokamba bango,
- 2 Timoteo 4:3** Mpo ntango ekoya, ntango batu bakolina lisusu te koyoka kolakisa ya solo, kasi bakolanda mposa na bango mpenza, mpe bakoyanganisa epai na bango ebele na balakisi oyo bakoloba na bango maloba balingi koyoka.

Tito 2:12 Ngolu yango elakisi biso kotika bizaleli mabe na mposa na mokili, mpo na kofanda kati na mokili oyo na bomoi na koleka mposa na nzoto, batu sembo mpe batu Nzambe akoki kondima.

Tito 3:3 Mpo biso lokola tozalaki bazoba, batu na ntembe, batu na kobunga nzela. Tozalaki baumbu na mposa mabe mpe bisengo ndenge nyoso. Tofandaki kati na motema mabe mpe nkanda: basusu bayinaki biso mpe biso toyinaki bango.

Baebere 13:5 Kati na ezaleli na bino, esengeli mposa na mosolo ekonza bino te. Bozala na esengo mpo na biloko oyo bozali na yango, mpo ete Nzambe asili koloba: "Nakotika yo soki moke te, nakolongwa epai na yo soki moke te."

Yakobo 1:14,15 Kasi komekama ezali kokuta motu ntango mposa mabe na ye mpenza ezali kobenda ye mpe kokweisa ye. 15 Nsimi yango, mposa mabe na ye ezwu zemi, ezali kobota masumu, mpe soki masumu esili kokola mobimba, yango ezali kobota kokufa.

Yakobo 4:1 Bitumba mpe makelele ezali kouta wapi kati na bino? Ezali kouta na mposa na bino oyo ezali kobundana ntango nyoso kati na nzoto na bino.

Yakobo 4:2-5 Bolingi kozwa eloko mosusu, kasi bokoki te kozwa yango, boye bozali tayari mpo na koboma batu. Bozali na mposa na eloko, kasi bokoki te kozwa yango, boye bozali kosala kelele mpe bitumba. Bozali te na eloko oyo bozali kolinga, mpo bozali kosenga epai na Nzambe te. 3 Ntango bozali kosenga, bozwaka te mpo makanisi na bino ezali mabe. Eloko oyo bosengaka, bolingaka kosalela yango mpo na kosepelisa nzoto na bino mpenza. 4 Bino batu na pite! Boyebi te kozala moninga na mokili ezali kozala monguna na Nzambe? Motu oyo alingi kozala moninga na mokili azali komitia monguna na Nzambe. 5 Bokanisi te Buku na Nzambe elobi mpamba ete "Molimo oyo Nzambe atiaki na biso azali na mposa makasi mpo na biso!"

1 Petero 1:14 Botosa Nzambe mpe bokangana te na mposa mabe oyo

bozalaki na yango kalakala, ntango boyebaki naino likambo te.

1 Petero 2:11 Bandeko na ngai, nasengi bino, oyo bozali lokola bapaya mpe batu kofanda na mokili na batu mosusu, bokengela bino mpenza mpo na mposa na nzoto oyo ezali kobunda na molimo.

1 Petero 4:2-4 Uta sik'oyo esengeli bofanda na bomoi na bino awa na mokili mpo na kosala mokano na Nzambe, kosala mposa na nzoto te. 3 Boye, kala bolekisaki ntango molai mingi na kosala makambo bapakano balingaka kosala. Bozalaki kati na makambo na bosoto, mposa mabe, kolangwa na masanga, kobina yango mabe, komela masanga mpe losambo mabe oyo na bikeko. 4 Mpe sik'oyo bapakano bazali kokamwa na komona ete bozali kotambola lisusu elongo na bango te kati na bizaleli mabe mabe, boye bazali kofinga bino.

2 Petero 1:4 Boye, ye apesaki biso bilaka minene, na motuya mingi, boye, na kozwa makambo ye alakaki, bokoki kokima mposa mabe oyo ezali kati na mokili, mpe kolanda Nzambe, bokoki kozwa bomoi na Nzambe.

2 Petero 2:3 Mpo ete na mposa na kozwa mbongo mingi, bakosilisa misolo na bino na kosolola bino masese oyo bakanisi na mayele na bango. Kasi mpo na ntango molai, juji na bango azali tayari mpo na kosala mosala na ye, mpe motu na koboma bango alali mpangi te!

2 Petero 2:9-19 Boye na ntango ya komekama, Mokonzi ayebi ndenge nini akofungola batu oyo bazali kokangana na ye, ndenge nini ye azali kokengela batu mabe mpo na kopesa bango etumbu na mokolo na kokata ngwanga. 10 Eleki nyoso, akopesa etumbu epai na batu oyo bazali kolanda mposa mabe na nzoto na bango, mpe bazali kotala bokonzi na Nzambe mpamba. Balakisi ya lokuta oyo nazalaki koloba na bino likambo na bango bazali na lolendo mpe bazali kobanga likambo te. Bazali kotosa te batu na nkembo na lora, kasi bazali kofinga bango. 11 Ata baanzelu bazali makasi mpe na nguya, koleka balakisi ya lokuta yango, basungolaka batu na nkembo yango te liboso na Mokonzi. 12 Kasi batu yango bazali kosala na makanisi na bango, lokola banyama ya zamba oyo bazali kobotama mpo na kokangana mpe kobomama, bazali kofinga makambo oyo bayebi te. Bakokuwa ndenge moko lokola banyama ya zamba. 13 Bango mpenza bakozwa lifuti na mpasi oyo mpo na mpasi oyo bayokisaki. Bawaka esengo na bango na nzela na kosepelisa mposa mabe na bango bobele na moi. Bango kozala kati na bino ezali nsoni mpe eloko na kokweisa ntango bakotaka na fete na bino, kosepela mpo na kokosa na bango. 14 Bakanisaka bobele kotia miso na bango epai na basi na pite, mposa na bango mpo na masumu esilaka te. Bakangaka batu petepete na moteko. Motema na bango etondi na mposa na kozwa mbongo. Kotuka na Nzambe ezali likolo na bango! 15 Basili kotika nzela sembo, mpe basili kobunga nzela. Balandaki nzela na Balama mwana na Beora, oyo alingaki kozwa mbongo na nzela na kosala mabe, 16 kasi oyo

azwaki ngwanga mpo na kozanga botsosi. Boye punda, oyo asololaka te abandaki kosolola na mongongo na motu, mpe apekisaki mosala na bozoba na nebi yango. 17 Batu yango bazali lokola mitu na mai oyo esili kokaoka, lokola mapata oyo mopepe ezali kotambwisa, Nzambe asili kobongisa esika mpo na bango kati na molili mojindo. 18 Balobaka maloba ya lolendo mpe na bozoba, bazali na mposa na kosala pite mpo na kokweisa batu oyo basili kobima kati na batu na kosala mabe. 19 Balakaka ete batu yango bakozwa bosomi, nzokande bango mpenza bazali baumbu na bizaleli mabe oyo ebomaka, mpo ete motu na motu azala moumbu na likambo oyo esili kokonza ye.

2 Petero 3:3 Na liboso boyebi ete na mikolo na nsuka, batu bakobima oyo na kolanda mposa na bango mpenza, bakoseka bino.

1 Yoane 2:15-17 Bolinga mokili te, to eloko moko te na mokili. Soki motu alingi mokili, bolingo na Tata Nzambe ezali na motema na ye te. 16 Makambo nyoso oyo ezali na mokili, mposa mabe na nzoto, mposa na kozwa biloko motu azali komona, lokola lolendo mpo na mosolo na mokili, oyo nyoso ebimi na Tata te, kasi ebimi na mokili. 17 Mokili ezali koleka, elongo na makambo nyoso oyo batu bazali kolinga kati na yango, kasi motu na kosala makambo Nzambe alingi akofanda seko.

Yudi 1:11 Mawa na bango! Balandaki nzela na Kaina. Bamikotisaki kati na mabe mpo na bolingo na mbongo, lokola Balama. Bakufaki mpo batombokaki lokola Kora.

Yudi 1:15-19 mpo na kosambisa batu nyoso, mpo na kokata ngwanga na batu mabe mpo na misala mabe nyoso oyo basalaki mpo na kotomboka na bango epai na Nzambe, mpo na maloba mabe nyoso oyo batu mabe na masumu yango basili koloba na ntina na ye. 16 Batu yango bazali kolela mikolo nyoso mpo bazali koimaima. Bazali kolanda mposa na bango mpenza, bazali kobimisa maloba na lolendo, mpe bazali kopesa lokumu na batu mosusu mpo na kozwa litomba. 17 Kasi bino, baninga na ngai, bokanisa maloba oyo bantoma na Mokonzi na biso Yesu Kristo bayebisaki bino kala. 18 Balobaki na bino, boye: "Na ntango na nsuka batu oyo bakoseka bino bakobima, mpe bakotambola nsima na mposa mabe na bango." 19 Bango nde bautisaki makambo na kokabolana. Molimo na Nzambe azali kokonza bango te, kasi nzoto na bango ezali kokonza bango.

Emoniseli 18:14 Batu na mombongo yango bazalaki koloba na vile yango: "Mbuma yango oyo ozalaki kolinga, esili kokima yo. Misolo nyoso na yo, mpe na lipombo na yo esili kokima mpo na yo, mpe okozwa yango lisusu soki moke te!"